

瓊州府志卷之十一

建置志九 古蹟 塋墓附

瓊山縣

珠崖故郡漢置在縣東南東潭都石陵林故址尚存一統志應劭曰郡在大海中崖岸之

間出真珠故曰珠崖漢書注

瓊山故城唐置在縣南六十里一統志本漢玳瑁縣地唐貞觀五年置瓊山縣屬瓊州以縣

西六里瓊山得名輿地紀勝

崖州城在郡城東二十里本隋顏盧縣唐更名顏城武德中置崖州於此今顏村側龍盧洞即其故址

舍城縣故城在郡城東北二百六十里隋大業中置唐武德四年平蕭銑置崖州治舍城

縣以舍城水為名宋省入瓊山縣參通志

顏盧縣城在廢舍城縣境隋置唐改顏城屬崖州在今縣東二十里後廢

武德縣城在縣東南陶公山下隋置廢

舊州在縣東六十里麻欒都濱江築城引小溪為濠故址具在宋開寶間廢唐武德中欲

立崖州城於此適有梁木飛至顏城時人驚以為神遂即其地移建焉其故址號曰舊

州

按舊志謂移置玳瑁縣誤蓋玳瑁乃漢晉時縣名隋改顏盧唐改顏城考唐時故無

玳瑁也

瓊臺在府治西唐設都督府宋置瓊管安撫都監瓊臺蓋當時所名

察院廢行署在城西街今改為總兵署金通志

海南提學道舊行署在衛東即舊府署嘉通志

布政分司廢行署在府署左後以崇文書院為之今圯

元海北海南道分司廢署即今府署同上

海防撫黎廳廢署舊設通判 國朝裁歸同知即以通判署為署在府署東康熙十一年

大風傾圮同知劉永清重修乾隆二年奉文移建崖州以舊署為公館三十五年知府

曹槐允紳士請改試院爲府學併公館爲明倫堂

理刑推官廢署在府治西金通志

督糧通判廢署在府治南同

府經歷司舊在府署內康熙三十九年奉裁署廢雍正八年裁司獄復設經歷改司獄署

爲經歷署乾隆三十一年圯署知府李璜詳建移於城內倉前街今廢

府司獄署在府署東南雍正八年缺裁署廢

瓊山縣廢署在郡城外唐建黃通志

縣丞舊署在縣署東久廢康熙二十四年郡守修湘年買府城隍廟前民地創建縣丞趙

夢龍增葺至雍正七年奉文移駐海口舊署遂廢縣志增

石山巡檢司署在縣南七十里邁別都明洪武初設永樂丙戌曾委帶銜巡檢士舍王觀

朝權理撫黎今廢

典史舊署在縣署儀門內今廢郝通志

稅課司廢署在府西北

瓊州府志

卷十一上

建置古蹟

河泊所廢署在海口城外

遞運所廢署在海口浦

瓊臺驛在城西北隅兵備道左明置今廢

星輶驛在白沙口宋建今廢

海口舊公館在海口久廢今改爲天妃宮俱同上

白沙公館在城北十里今廢黃通志

瓊山廢儒學一在海口浦宋建一在郡東北一在南郊俱洪武間建郝通志

海雲樓在郡治宋建同上

瞻雲樓在府後堂明嘉靖癸丑知府張子宏建今圯黃通志

海天一眺樓在倉後城側今圯郝通志

海山樓在舊道前今圯同上

延桂樓明瓊山貢士所居大學士蔣冕記黃通志

鎖鑰樓在小北門

海口四牌樓在海口所十字街今廢縣志增

蔚文樓在海口東門內海門社學前池中

文明樓即譙樓又名鼓樓在舊衙前明洪武間衛使王友創建樓三重成化辛丑指揮李

泰增砌臺基副使涂其鑄銅壺滴漏萬歷間燬副使孫秉陽郡守周希賢移建於東門

內為鎮東樓後郡守涂文奎遷還舊址地震圯尚書王宏誨知府謝繼科推官傅作霖

重建又圯 國朝康熙三十三年郡守張萬言復建雍正十一年知府宗思聖修改名

文明中祀文昌魁星像撥府義學原置北冲都攀丹北麻等處田并舖六間為香資乾

隆三十四年知縣秦其惜集紳士重修道光三年撥田舖租歸書院收支

鐘樓在譙樓左明洪武間桑昭建久廢今改建縣學明倫堂其鐘即移府城隍廟內

寶勅樓在邱文莊可繼堂後公進大學衍義補奉勅建此樓以一部藏之因名今址尚存

鑑空閣在城西宋建

貞明閣在崇文書院後明副使陳茂義建今圯黃通志

尊經閣在府學後久廢參縣志

觀音閣在鎮署後乾隆間建採訪冊

準提閣在浮粟泉二蘇祠左康熙五年遊擊易知捐建以祀準提年久損壞二十五年郡

守修湘年等以其地改建二蘇祠移準提像於金粟菴參縣志

世德堂在城西宋戶部侍郎沈翥之孫悌建黃通志

錦衣堂在東坡書院中邑人以蘇轍續蘇軾詩有錦衣他日千人看之句築此刻進士題

名郝通志

可繼堂在城西北隅明大學士邱濬家以祖普惟有雙孫可繼宗句名堂有記

虛白堂緩帶堂退思堂平理堂燕喜堂皆在舊府治宋建久廢

節愛堂超然堂風月堂在舊通判署宋建久廢

敬事堂在明昌塔下明萬歷間給事中許子偉建塔時構堂祀邱文莊公海忠介公請支

本府稅銀每年春秋致祭四十四年郡邑庠生以許給諫勗建呈道府附祀於祠

三多堂在城外西南乾隆十年知縣楊宗秉捐修增建神祠三間縣志增

夢宸堂即今巡道後堂明副使涂棐建邱文莊記

期范堂即今巡道前堂涂棐建張元楨記

放生池宋郡守韓壁鑿并建知樂亭於池上朱晦菴有記明初廣城湮其半今鐘樓南街
微存遺址

六瑞堂在放生池北宋郡守王光祖建時開並蒂蓮者三故名謝諤題其額有詩久廢

國朝乾隆三十五年移建縣學於其地遂因放生池為泮池

雁塔亭在城南二里許雁塔峯上元至正間建明萬歷間知府唐可封移郡庠後三元碑
豎於峰上

濱淪亭在子城西明永樂間教諭張善教建

洞酌亭在城東北里許東坡得雙泉於此郡守承議郎陸公建亭覆之並求亭名與詩東
坡名之曰洞酌歲久雙泉與亭俱廢明萬歷間郡守謝繼科別建食源亭於金粟泉上
而移洞酌亭於城內之東坡井後俱圯至 國朝乾隆年間學使翁方綱復建亭在東
坡書院前金粟泉之右補題其額曰洞酌道光四年復圯巡道周鳴鑾知縣張德馨重

修

按城內東北隅有東坡井舊志云宋時故在城外明初廣城始圍入城內東坡嘗飲
息其處故名萬歷時雙泉久廢謝繼科以此井舊在城外當與金粟泉為雙泉因建
洞酌亭於東坡井上今其碑記亭址尚存考東坡海外集云雙泉相去咫尺而異味
今金粟泉右北隅一泉相近在數武內當是雙泉舊跡東坡井遠在一里之外與咫
尺語不合謝繼科建洞酌亭於城內以東坡井為雙泉之一俗誤記之以待好古者
考訂焉

觀稼亭在金粟泉上康熙四十四年知府賈棠重修道光十四年冬幕客山陰施惠及郡
縣諸友捐修護道張培春有記

演武亭在縣城北門外大教場明成化間副使涂棐建取勅書內飭邊二字名其亭翰林

張元楨撰碑記久湮 國朝郡丞潘廷侯磨刮苔蘚出之俗誤稱為定風碑縣志增

教鋤亭康熙四十七年為知縣王贊立先時瓊俗不知耕稼之法贊乃製犁鋤千具散給
各鄉為式親履田間教之民因為之建亭

望闕亭在崖州城南一里唐李德裕為司戶時建一統志即今瓊山縣張吳都顏村舊志通志參訂

按唐時崖州城在郡城東二十里本隋顏盧縣唐更名顏城武德中置崖州於此李

德裕望闕亭詩云獨上江亭望帝京鳥飛猶用半年程青山也恐人歸去百匝千遭

繞郡城可見亭與郡城不遠一統志謂在州城南一里與黃志謂在顏村原合今通

志改入崖州仍存黃志與一統志兩說分歧蓋未考唐之崖州城即今瓊山縣東境

也

廣蔭亭在城東一里宋隱士唐文嚴建初名松軒翰林學士陳士徽易名元萬戶解珣遷

建於通衢

麗澤亭宋建在府學門外江心飛橋徑度環植芙蓉最為勝概後廢

瑞蓮亭在府城南有池植蓮元至正間開雙蓼文宗時遊亭上顏曰瑞蓮今存遺址

野花亭在學士莊前明邱濬記

表賢亭在城西明成化間副使涂棐建以表薛遠邢宥邱濬林傑四賢黃通志

樂耕亭在墨客村明海瑞記

留耕亭在城東一里明景泰間隱士唐寅建邱濬記

柔遠亭在郡城北五里官道明天順間暹羅使臣黃坤普倫建

南溟奇甸亭在郡北五里官道明宏治間建今廢潮志

懷沙亭在郡西十里小英村樂古書院內明宏治間提舉司汪廷貞立義學走書幣往聘

陳白沙辭不就廷貞以其復東勒石而建亭覆之因名懷沙以誌思慕後亭圯邑紳陳

家修柯呈秀等捐修歲久又圯道光七年紳士陳瀛柯拔萃等修復義學因併建此亭

參採訪冊

清惠亭在郡北五里官道西明萬歷間知府倪凍建今名五里亭

魁星亭在縣學右今圯縣志增

老農亭在城南今圯

申明旌善二亭在縣門前今廢縣志增

東坡臺在郡城東南舊開元寺東宋蘇軾寓此後人建臺今稱為東坡寺

考古臺明洪武間為教諭趙謙築在縣學內嘉靖二十五年知府金椿改建於考古祠後

以遷學廢

靖端臺在舊府治宋建今廢一統志

風月臺在縣治旁宋建同上

永日軒唐李德裕建公自序有消此永日可以解憂之句後人因取以名其軒

霖筠軒在城南洪武末處士王惠建黃通志

竹軒在城西一里明成化間處士唐瑜所居

桐墩書舍瓊州陳徽於郡城東二十里得此墩高可十數尋樹桐數十本築室其麓藏書

若干卷名曰桐墩書舍明邱濬有記劉巖為序瓊臺會稿

下田村在城西北一里明邱濬故居一統志

學士莊在城西二里明成化初邱濬為學士時建並記瓊臺會稿

東阜在蘇尋都東距郡城六十里明處士黃鉅隱此鉅與邢宥邱濬王佐諸人遊處有巢

許之風

趙興珞營在白沙口宋時與珞率兵拒元死節於此

蕃民所在海口浦即今海田村元時設所置官立其長為世襲總管今圯

開元寺即古乾亨寺在南橋宋建今廢

普明寺在城南元文宗未登極時嘗謫居此後建為大興龍普明禪寺學士虞集有記

一統志 至治元年賜鈔萬錠市地永為寺業二年十一月隆祥司使晃忽兒不花言海南

所建大興龍普明寺工費浩繁黎人苦役以故為亂詔湖廣行省臣瑁璐不花及宣慰

宣撫二司領其役仍命廉訪司蒞之元史文宗本紀

天寧寺在城北一里宋建為天南寺元更今名明洪武間合無名庵為一增建殿宇及二

廊精舍指揮桑昭復捐建兩殿三門凡郡邑迎詔官司習儀皆在此寺永樂間知府王

修題曰海南第一禪林屢經修建郡人王宏誨有記 國朝康熙十八年總兵佟國卿

副使范養民重修乾隆十年知縣楊宗秉重修復為風雨傾圯三十八年總兵李耀先

首倡闔屬吏民捐修

玉皇廟即舊三清觀在城北天寧寺左宋名天慶觀宣和元年御書神霄玉清萬壽宮碑

元改今名明永樂間照磨廖均錫重建知府王修題曰瓊臺仙境後圯康熙二十年重

修乾隆三十八年總兵李耀先首倡吏民捐修道光十年知府普祥率闔郡官紳重修地藏宮在天寧寺左明萬歷間尙書王宏誨回鄉人募建屢圯屢修

三元宮原在小北門內商人張朝肅捐建後商民錢中節盛尙志等遷於北城外河畔增建玉皇閣觀音庵道光十五年護道張培春率官紳重修

淨土菴在南門縣學前

縣志增

香嚴菴在城西南隅蒼屹山仙人洞僧別山募建爲颶風所壞康熙乙卯僧本資自曹溪來卓錫於此巡道范養民知縣茹鉉修復並拓其基至癸酉總兵唐光堯重修前殿乙酉樂會知縣繆宗儀募修兩廊

大士菴在海口所南門內明萬歷間鄉人募建

三山菴在縣東五十里內有惠通泉輿地紀勝云昔東坡經此僧惟德以水餉焉味類惠

山因名

一統志

金粟菴在金粟泉上明萬歷四十三年知府謝繼科創建

彌陀菴在城東一里攀丹村

白衣菴在城北五里官路清惠亭側明萬歷間知府倪凍建順治間署分巡兵學道戚元

弼遷建南橋之右仍舊名雍正間副使王元樞改名圓通寺

西竺菴在北門外康熙二十四年馬日炳建

廣會寺在總兵署左明崇禎間推官羅其倫建

大慈寺在郡城小北門外演武亭西乾隆間巡道吳九齡邑紳吳位和全建

採訪冊

蓮華菴在東關內明崇禎間指揮李開永妻王氏即王忠銘女創建

泰華菴在城西門內小雅巷

眞如菴在郡城小西門外林公廟左

萬壽菴在城內丁字街乾隆間建

廣濟菴在海口紅坎坡乾隆三十四年邑人嚴孔熾鄭邦佐等建

西榮菴在城西南右營守備署右康熙間文昌知縣馬日炳建道光十六年重修

善惠菴在郡城小北門外康熙間建

西來菴在城西南八里文峯塔旁

清源菴在郡城小南門外雲路鵬程坊之側俱同上

淨禪院在縣南大挺都土人祀符姓神歷著靈驗禱雨立應乾隆十二年知縣楊宗秉據

鄉人呈請入志縣志增

天朝古塔在海口所久廢

明昌塔舊志作文昌誤在城東北三里下窰村明萬歷間知府涂文奎給事中許子偉募建塔旁

舊有敬事堂文昌閣關帝廟置香火田一十五丁後文昌閣改名大悲閣乾隆三年僧

法空重修六年郡守張秉義遷關帝廟於攀丹村之聯壁坊參縣志道光十六年護道張

靖春首倡官紳同修大悲閣

文峯塔在城外西南八里形家謂塔為一郡文風所繫先是塔廢六十餘年科第寥寥康

熙甲申知府賈棠豎長杆以代塔乙酉獲雋者六人瓊山居其四遂倡官紳捐資復建

塔下為茶亭及文昌祠觀音堂各三楹置田七丁舖屋一間歲取租銀六兩以供祭祀

有碑記尚存乾隆十一年知縣楊宗秉修三十八年復圯紳士吳位和杜攀稜等重建

道光五年郡守昌子班集邑紳捐修

涅槃塔在縣南一百七十里西黎都塔盤嶺上

文筆塔在縣西四十里那秫村乾隆二十八年監生吳維均等捐建採訪冊

澄邁縣

澄邁故城在舊崖州西九十里漢苟中縣地寰宇記圖經云舊縣治在澄邁村後移今治輿地紀勝

在府西六十里明一統志九域志云縣在州西五十五里縣志澄水邁山四面環繞縣治宅

焉元燬於寇洪武三年即舊址重建成化中邱濬以縣治濱海議遷未果輿地紀勝云

舊治在澄邁村及寰宇記所載州西九十里者舊址無存今不可考

苟中縣在城南四十里那舍都漢武帝時建元帝罷珠崖縣遂廢

曾口縣在城南七十里東隅都唐貞觀十三年析瓊山地置後沒於峒蠻貞元五年復置

南漢省入澄邁今博羅村是其故址

海南分司署明洪武三年知縣劉時敏建於縣署東二十六年改為道移駐郡城成化十

年知府周泰改為縣署康熙九年知縣丁斗柄廓而新之

縣丞署在縣署西明末圯今裁

主簿廢署在縣丞署西明崇禎間裁

巡檢司廢署在縣西六十里那托都森山市

河泊所廢署在城北一里蠶場浦崇禎間裁

廢西峰驛在縣西北五十里那蓬都通志

廢東潮驛在西門外裏橋

公館在迎恩門內通潮驛舊址俱同上

存留倉在縣署西萬歷三十五年知縣周士昌遷建於縣堂東久圯

儒學倉在縣學明倫堂東會饌所之南久廢

預備倉凡四所俱明成化八年知縣徐鑑所建今廢

通潮閣一名通明在城西通潮門外即宋通潮驛蘇軾常憇此賦詩後胡銓和之李光書

額明知縣唐啓賓修久圯道光十五年署訓導李梓瑤首倡紳士捐建於關帝廟左並

爲之記閣二重高三丈上祀蘇文忠公學使李星沅題其聯額探訪冊

登高亭在縣西大勝嶺上成化二十二年知縣韋裘建重九日與士大夫吟眺其上

申明亭在縣西今廢

旌善亭在縣西今廢

伺官亭在分司東公館西久廢縣志

白石洞在西黎都白石嶺白玉蟾嘗吟眺於此

雲谷在南楚都隱士吳濬所居邱文莊有出谷迎賓序見藝文

輯瑞菴在縣西南四十里前有美榔雙塔通志

白玉蟾故居在縣東十里即今佃讀村地名香山多產香茅一統志

永慶寺在東門外宋熙寧中建明洪武間知縣汪貴重修以爲習儀之所縣丞陸祐踵修

嘉靖二十二年知縣秦志道勅建書院於此久廢

乘龍菴在分司左即騰龍菴明洪武間知縣汪貴建後圯康熙十年知縣丁斗柄修復四

十六年知縣高魁標捐修

善會菴在南黎二圖康熙十六年知縣呂登瀛建立僧戶免徭役四十六年知縣高魁標

重修

仙壽菴在那舍都美榔村菴右有兩塔

長壽菴在安寧都雅頌村鄉民捐建

芬茶菴在縣西五十里那蓬都庠生符英才等集鄉人捐造歲出資以賑貧困孫監生至德生員至文皆踵而行之

慈雲寺在縣南七十里楊頭村探訪冊

西竺寺在縣南七十里金江村

茂林菴在縣西六十里福山市鄉人王瑯等建

樂道寺在縣西南十七里羅驛村左俱同上

神霄宮在縣神霄玉清宮輿地紀勝

學前塔在縣學前山上形家謂學校乏文峯故科目僅見明嘉靖甲寅知縣許應龍偕教官士庶捐造有碑記

西門塔在裏橋左元時設以鎮水口明嘉靖間知縣唐啓賓重建萬歷三十三年地震傾塌三十七年知縣周士昌命耆民李時煖董修未竣三十八年知縣曾拱璧繼修乃成

雙灘塔在縣西兩灘之上元時知縣崔均造以鎮灘口為邑巨觀明正德間鄉人潛掘而壞之

美榔雙塔在那舍都一八角一四角宋陳道叙女建石工精巧唐絹有詩見藝文那驛塔在縣南十五里元時倫驛都人李文英甃石建之

鍾村前塔在縣西十三里明宏治間舉人鍾秀建

龍光塔在倫驛都明萬歷四十年李文英募健併前二塔皆以鎮水口于利塔在縣東赴郡官路七里明天啓間庠生王一默建

定安縣

定安故城在府南八十里明一統志元至元三十年元帥朱斌平黎明年置縣在今縣東南南

資都南堅峒縣志作南建新寨嶺下天歷二年升縣為南建州在瓊牙鄉即今治洪武二年

故南建知州王官子廷金為亂尋剿平之乃廢州復為縣參通志

廢忠州唐置在縣南黎峒中黃志圖經云唐咸通中辛傳李趙四將進兵擒生黎蔣璘等即其

地置忠州七年餘死亡無數遂領兵還輿地紀勝自是州廢入瓊山

布政分司行署在縣治東明正統間建今廢

按察分司海南道行署在縣治東明洪武三年建今廢

元南建州廢署在瓊牙鄉郝通志即今縣治舊跡無存

清寧巡檢司廢署在西一內堡馬羅市郝通志即古寧村司舊址縣志今移駐太平汎舊署久

廢訂增

舊儒學在南資都南堅响元初建

存留倉在縣署東明洪武初建嘉靖二十一年知縣徐希朱遷於縣堂右 國朝康熙十

一年知縣楊天授修乾隆五十二年知縣楊文鎮修今廢

預備倉在縣堂左今廢

養濟院在縣治後今圯

陰陽學在縣治南西街今廢

醫學在陰陽學側今廢

王宏誨故居在縣東南李家都龍梅村一統志

解濫軒在縣治明永樂初知縣吳實建楊升記王伯貞序黃通志

建江樓在城北樓上北向

文明樓在南門城樓上祀魁星明長史王士衡改建南門時並建八角樓高丈餘規模宏

壯拱嚮學宮以開邑中文運後屢修屢圯嘉慶二十三年知縣周祚熙率士民修復

觀音閣在城北樓上北向知縣姜植建

明照閣在東門外蓮井旁嘉慶三年進士莫紹惠倡集衆建上下三楹外構亭曰并福亭

有記

金蓮菴舊在東門外因兵燹拆毀康熙二年知縣王昌嗣募捐別市城內許氏宅建之嘉

慶十五年住持僧今愚募修正殿外廳

慈華菴在城內東隅明婦女梁莫氏胡李氏捨地建康熙四十四年尼僧一光募修嘉慶

十五年尼實敬重修

雲樓菴在南鄉新寨三里康熙間僧普敏等建

慈雲菴在南閩都二里下寮村康熙間邑人王徽猷等建

孟蘭菴在縣城內城隍廟東邑人陳映奎捐田賑濟孤貧子廷鐸復建

香林寺在南雷一里龜嶺山康熙間僧心傳等建

清潭亭在縣署後清潭上知縣李傅春建鄭廷鵠縣志增記

申明旌善二亭在縣左右今廢

黎婺山石壁在黎婺山巔高丈餘廣二丈中間有東坡手書詩一首見藝文今此壁已裂

爲二云

黎婺山石崖元都帥朱斌統兵征黎抵古鎮州遂登五指山次黎婺山皆勒石云大元軍

馬到此

文峯塔在縣南二十五里李家都康熙間邑人河間知縣王辰捐建

見龍塔在縣東南八里地名龍袞坡乾隆十六年知縣伍文運紳士林起鶴等捐建未竣

三十二年知縣吳先舉再集紳士莫紘等捐資成之塔七層高十餘丈堪輿家謂爲學

宮異方文筆初築時適有龍見故名

龍門塔在縣二十五里龍梅橋上明王宏誨建裔孫辰重修

文昌縣

文昌故城隋名武德唐武德五年改平昌貞觀元年改文昌取偃武修文之意在縣北何

恭都潭布村元至順二年移北山都即今治一統志

紫貝廢縣漢置在縣南一里方輿紀要紫貝山陽今地名新衙縣志元和志文昌本漢紫貝縣地輿地紀勝

布政分司廢署在縣署北金通志

海南道公館二一在學宮側明萬歷中知縣賀泚建諸生肄業書舍門內設義倉儲粟備

賑後變價充餉一在城北今廢

文昌縣舊署在何恭都潭布村唐武德五年建改爲平昌縣今廢

縣丞廢署在縣署內郝通志

主簿廢署在縣署內

樂會場大使廢署在邁陳都陳村港西南

河泊所廢署在水北都金通志

廢賓宰驛在何恭都郝通志

清瀾守禦所廢署一在青藍都洪武間建一在南砭都陳家村

都司署在舖前所萬歷庚寅海賊李茂既平徙建於此署在北門城上今廢縣志增

舊儒學一在何恭都潭布村宋慶歷間建一在縣署右元至順間建縣志增

陰陽學在縣治南洪武十三年建今廢

醫學在縣治東洪武十七年建今廢

存留倉在縣治右洪武三年建宏治間以糧儲易朽改折色貯庫

預備倉二一在縣治東南正統六年縣丞王璉建一在縣北成化八年知縣宋經建宏治

間知縣莫方詳准折價貯庫備賑萬歷四十四年知縣葉可行重建後廢今捐存積穀

收貯縣堂左右

義倉二正統六年建南倉在縣治郭外北倉在南溪都錦山村官給銀積穀並募民捐輸

備賑歲饑春散秋還成化間移近縣後廢

下灣港營房鄉民捐建防禦海寇今廢基址尙存探訪冊

稅課局在清瀾所西門外正統六年廢

白石站在縣北籐橋舖今廢

八角砦在多尋都八角山下故黎寨今廢

和尚宅在抱虎山南相傳宋時僧寺中有丹井或云白玉蟾修煉處

葫蘆石刻在縣西北四十里何恭都道旁兩壁劃然通道有邢宥詩賀縣令詩刻石

合歡石在縣東十里高三丈餘山上二石相覆壓故名明舉人吳紹源有詩探訪冊

靈石鼓在縣北八十里有石大十餘圍高十餘丈禱雨立應故名旁有泉味甚美大旱不

竭灌田數頃同上

釣鰲磯在紫貝山陰天妃廟後明教諭熊若龍題其名後城守石可教重開

南薰樓即南門城樓又名圖南樓崇禎五年知縣魏懋績建十一年中翰陳是集知縣張

安恭改建於舊址康熙五十二年重修有記

觀稼樓即北門城樓又曰拱北樓今重修有記

崇正樓在玉陽書院體仁堂後祀陳白沙王塘南二先生今廢

敬一亭在縣學明倫堂後西隅明嘉靖間教諭施模建後圯天啓三年教諭熊若龍重修

依樹爲亭顏其額曰嘉樹建菴曰榔菴植梅數株構軒於南曰梅南軒
湄邱草亭在縣東三十里成化間都御史邢宥建於居弟之前

清瀾所演武亭舊在清瀾港明萬歷八年移所城於南砭都陳家村別建亭於城東海岸
上今皆廢縣志增

舖前所演武亭明萬歷辛卯建於土城北今廢同上

申明旌善二亭在縣南街明宏治二年知縣鄭宏修後廢萬歷六年知縣羅鶚重建十年
知縣石中美遷於縣大門左右今廢

覺照堂在縣北百餘里宋建明洪武間重修世爲南溪韓氏香火廢址存

觀音堂在清瀾城內康熙間知縣何斌建知縣馬日炳重修增建後堂三楹爲省耕勸稼
之所

萬壽堂在清瀾所城東一里縣志增

寅賓館在縣儀門右今廢

迎恩館在縣北一里教場側今廢

紫雲菴即觀音堂在城南紫貝山明正統間知縣汪縉建 國朝順治十二年僧明海募
修

象山菴在城南四十里邑人林有鵬建

樂籟菴與象山菴相對僧體空建

橫山塔在縣東四里水口墩上乾隆三十六年邑紳林其籠等捐建後圯遺址尙存採訪冊

會同縣

會同故城本樂會縣黎峒地元至元二十八年闍里吉思平黎始割樂會西北境置縣治

在今縣西北永安都烏石補皇慶元年爲土酋王高所燬徙於端山即今治又有故城

在縣東南太平都牛斗村縣志

按府志縣志舊城有二一在嘉會都今舊址無考

容瓊廢縣唐貞觀中置貞元間省人瓊山在樂會縣界其地有容瓊峒寰宇記

按舊志云容瓊故城在舊瓊山縣東南一百五十里考其地當在今會同縣西界蓋

元以前未有會同故云在樂會界後析樂會地置會同縣容瓊實在會同西境也黃

志載入樂會誤

永豐舊縣在城北門

布政分司行署在縣治西明正統間建今廢

海南道行署在縣治西久廢

巡檢司在端趙都調囂地洪武二十七年都指揮花茂議遷太平都海滄村以防海寇今

俱廢舊蹟存

永豐驛在縣東門內久廢前有清泉井

舊儒學一在平定鄉元至元中建一在端趙都元皇慶初建舊志

陰陽學在縣治西久廢

醫學在縣治西久廢

存留倉在縣署左今廢

預備倉在縣署東今廢

申明亭在縣署西今廢

旌善亭在縣治東明萬歷乙巳知縣盧章重建今廢

樂中亭在縣西二十里許績善都大禮村有五星石五方壁立山花環繞林木陰翳隱士

黎公柱建亭其間

青雲亭在縣東三十里太平都靈泉寺東雍正乙巳寺僧海涵建提學惠士奇題額曰源

頭流水丙午復建書院於亭之後

迎恩館在縣署儀門東明萬歷丁末知縣盧脫穎建今廢

三教堂在聚奎塔左康熙九年知縣曹之秀捐資創建今廢

按通志有三寶菴與此條所載無異疑即三教堂也

觀音堂在縣西南一里許聚奎塔前文昌閣左乾隆三十五年知縣歐陽麟重修嘉慶二

十一年知縣陳述芹倡率士民捐修

茶亭觀音堂在永安都大路市西半里康熙五十三年知縣張汝臯建縣志增

同誠寺在縣東門外嘉慶十五年知縣江秋捐建中元節祭無祀鬼神於此同上

靈泉寺在太平都多異嶺寺後有巖石二擊之作鐘鼓聲又近泉一石有仙人足跡

覺林禪院在縣東二十里太平都馬嶺康熙二十年建

聚奎塔在縣西南半里明萬歷乙巳知縣盧章建盧夢一青衣自言名曰霄維躡塔頂吟

曰奎塔挿天連甲第因名聚奎其後舉鄉薦者三人邑人謂塔主文明之應宗伯王宏

誨給諫許子偉皆有詩見藝文乾隆間重修塔頂

哆喃墩今廢故址無考

調懶墩舊在調懶村海濱今廢

樂會縣

樂會故城唐顯慶五年置縣治在黎黑村名志瓊管志云今治南管村輿地紀勝元至元二十四

年徙調懶村在會同縣東南大德六年王文河之亂又徙萬泉渡南即今治一統志

布政分司行署在縣署西明正統間建今廢

按察分司行署在布政分司署東後改爲海南道行署洪武間知縣王思恭建今廢

府館在縣西久廢黃通志

樂會縣舊署在泗村都唐顯慶五年建金通志

陰陽學在縣署西南久廢

醫學久廢舊跡無考

存留倉在縣治西久廢

預備倉在縣治西久廢

永義倉明崇禎間知縣李明興建積粟備賑今廢

申明亭在縣署北久廢

臨高縣

臨機故城即今治東四十里之臨機村唐置臨機縣在縣東南舊府志作城西二十里初治英邱開元

中更今名宋紹興初遷於莫村輿地紀勝縣志云宋初始徙今治臨機村在那虞都海濱增輯

富羅廢縣本隋毗善縣唐初更名南漢廢析其地併入臨儋縣志故縣在儋州東北一百二

十里寰宇記富羅鄉即今縣北東塘都那村有故縣址即古富羅也一統志東塘都今在縣城

西十里

布政分司廢署一在縣署東一在城隍廟左即通明書院舊址

海南道廢署在儒學左明洪武三年知廢王績建縣志

公館在縣署東黃明正統五年知縣李信建今廢

臨高縣舊署在富羅都唐建今廢郝通志

田牌巡檢司廢署在城南二十里蠶村萬歷十四年遷於橫岡縣志

博舖巡檢司廢署在城北三十里英邱都後遷儒學東

道會司在城西洪武乙丑建久廢縣志

河泊所在城西四十五里那綿都久廢金通志

馬裊鹽場在城東五十里明洪武二十五年建久裁縣志

存留倉明洪武初建在縣署東久廢

預備倉二一在縣署左一在署右明成化八年知縣甘素建今廢

陰陽學在縣署東南明洪武十一年建久廢縣志

申明旌善二亭在縣治門外兩旁明嘉靖九年知縣洪經建今廢縣志

茉莉軒在縣治東宋邑令謝渥建胡銓書額并題詩有眼明漸見天涯驛脚力行窮地盡

州之句明正統間知縣吳大裕重修今廢縣志

買愁村在縣南宋胡銓有詩

餽米亭在縣治東康熙間知縣樊庶清廉民當收穫各攜升米聚於此亭餽之因名縣志

觀音堂在城東門外關帝廟後康熙四十四年知縣樊庶重建

三清堂在關帝廟後康熙四十四年知縣樊庶建

崇真堂在縣東博文都宋建以祀林道玖縣志

廣福堂在縣東蠶村都明洪武初建劉佛子修真於此詳見仙釋外有寶林崇德潭流三堂俱

為鄉人零祀之所

慈訓堂在蠶村都明王佐少時奉母居此泰和梁儉有記

幽景堂在蠶村都王佐建堂左有聚景園花木皆海外奇品

地藏超度堂在縣西羅綿都元至順間鄉人王緯左建俱同上

永興寺在縣城西一里宋元豐中建明洪武間重修

大海菴在縣西元至正間建今石座石壁尚存縣志

元妙觀通志僅存其名不詳所在今舊跡無考
文瀾塔在東門外舊在城南原名文明邑紳林有才捐建嘉慶元年知縣周昭甲率紳耆
改建於此更今名

儋州

儋耳城在城西四十里高麻都南灘浦漢樓船將軍楊僕建即今舊州坡遺址尚存
富羅舊縣在本州境南漢廢析其地入臨高

宜倫舊廢縣在城南百步隋為義倫縣宋太平興國初更名宜倫紹興間郡守王齊遷於
城北三百步以其故治為倫江驛後改附州城西門內元因之明正統間省

吉安廢縣在州境北唐初沿隋名武德五年併入昌化縣貞觀初又析昌化復置乾元中
省入洛場縣

涪陽縣在州西三十里涪陽鎮唐元和郡縣志云天寶初於涪陽場置按唐書及地輿諸
書皆無此縣名涪陽場亦不知所在惟輿地紀勝載隸昌化軍

洛場舊縣在州境黎峒中州志作城南四十里即今洛窰村唐乾元中省吉安縣增置後

移儋州城宋省入宜倫縣

布政分司行署在州署久廢明成化間知州羅傑重建於舊海南道舊址後廢改為三賢

祠金通志

海南道廢行署在州署西後改為遊擊署

州同署在州署東郝通志明知州羅傑建今廢

州判署在州治西州志明知州羅傑建順治十年本州監生王崇奏裁州判遂廢

州吏目舊署一在州同署東一在州後東北

鎮南巡檢司舊署在州西南四十里田頭驛左知縣葉世華建今廢

安海巡檢司廢署在州西南八十里大村驛

贊政廳在州庫左知州陳儻建今廢

大豐倉大使廢署在州東郝通志

河泊所廢署在州西十五里新英都金通志

歸羌巡檢司廢署在州北五十里譚樂都明洪武初設久裁

廢歸羌驛在譚樂都縣志

古僮驛在州東門外朝天宮後順治十八年裁

大員驛在州南一百一十里抱驛圖大員村明洪武間設順治間王崇奏裁

廢田頭驛在鎮南巡司右金通志

守禦千戶所廢署在州治西宋置土軍營元設黎兵防守其地

鎮撫司廢署在千戶署西

百戶所廢署在千戶署前

舊儒學宋建子城東紹興中徙東南隅紹熙中徙城南明宏治間遷於宜倫學舊址後俱

廢郝通志

宜倫縣學舊址在城西

東坡故居在州城南故天慶觀側東坡至僮耳軍使張中館於行衙又別飾官舍為安居

計朝廷命有司逐出之中亦坐黜遂買地築室五間居之今故址僅存

陰陽學在州東知州羅傑建今廢

預備倉有三一在州署西南一在城東南隅一在州西北俱廢

譙樓二一知州羅傑建會邦泰重修一指揮桑昭建張鑰張泰重修

得月樓在城北二里宋知軍孫尙建久廢洪武間改為接官亭成化乙巳知州羅傑重建

改名迎恩館萬歷丙申知州陳榮選重建

動鑑閣在載酒堂前宋知軍周中建胡銓取韓詩輕煖參差魚動鑑以句以名久廢

載酒堂在城東二里宋黎子雲舊宅水竹幽茂東坡與知軍張中載酒訪子雲坐客欲醪

錢作屋公慨然許之名曰載酒堂元泰定間重建今為東坡書院

九思堂在州治後宋知軍黃嗣建今廢

迎恩堂在城北小江橋永樂間宜倫主簿蕭韶建為迎詔之所

尊賢堂在州東二里蘇東坡得曾氏地築居後知軍譚景先建堂於舊址以祀東坡因名

堅白堂在州治東宋知軍陳適建後李光更名為無倦齋有詩今廢

繼美堂在州東宋陳適繼父中孚知軍建胡銓記久廢

秀香堂在城北陳氏園中宋李光謫居構之取醉翁亭記野芳發而幽香花木秀而繁陰

之義久廢

吏隱堂在城北隅宋知軍陳仲平建李光名久廢

文德堂在州西北五里元知軍達魯花赤特穆實招撫江花等峒黎歸化建堂誌之羅伯

龍記

細香堂在城南宋李光建學錄羊漂名

冠古堂在州治東宋知軍杜祁建李光名

雲錦亭在州東南與東坡故居相對宋知軍周自永建今廢

問漢亭在州治後大江橋北宋閩人許康民建胡銓題額

詠歸亭在城北秀香堂側宋知軍鄔大昕建李光名

湧月亭在城北宋郡人陳氏家塾下臨大江李光取杜詩月湧大江流名之今廢

賓燕亭在城南蘇東坡所居地四周皆池栽蓮後知軍陳覺嘗會賓客於上因名

籌邊亭在城東宋知軍黃嗣建有詩

明秀亭在相泉上宋知軍方汝運建為出郊祈雨憇息之所

臨清亭在城西北宋郡人黃旦築亭畔有清水池荷花四時不絕

申明旌善二亭在州治大門外左右知州陳儵建今廢

博望臺在州東北重岡上久廢

熙春臺在州治宋建久廢

息軒在城東南天慶觀司命宮東坡有詩見居儵錄

枕榔菴在城南紹聖四年七月蘇東坡到軍儻居官舍有司不可乃買地結茅數椽為偃

息所久成荒邱 國朝康熙四十五年知州韓祐即舊址建祠祀公以存古蹟

湛然菴在州治後大江橋北宋泉州人許廷惠構州志增

觀音菴在城東門外

凌霄菴在城西北五十里宋僧和靖圓寂處鄉人陳道源建菴祀之

開元寺在城東久廢

三清觀在城東南久廢

那炭墩在州西三十里水中俗傳陳中孚所築州志

昌化縣

昌化故城在儋州西南一百八十里寰宇記本漢至來縣地元和郡縣志在州南一百九十里

戶所在縣北十里洪武二十五年建正統六年徙縣治千戶所明一統志隋縣在今縣東南

十五里舊縣村石基猶存宋移治今縣南十里南北二江間洲中明初數罹水患正統

間移治千戶所即今治一統志

延德廢縣隋書地理志以延德水為名元和志本漢臨振縣地與地在州西一百五十里白沙

舖西南黃志作白沙舖宋史地理志有延德軍崇寧五年置延德縣於珠崖軍黃流白沙

側浪之間大觀元年改為軍又置儋州曰通遠政和元年廢軍為感恩縣隸昌化軍

廢通遠縣為通遠鎮屬珠崖軍六年復置延德若蓋隋置舊縣在州西北乃南漢已廢

之延德宋置延德縣後復為砦疑即今感恩縣一統志

布政分司廢署在縣治西

海南道分司廢署在南門街東

舊儒學宋建於舊縣東元遷故基之東又遷縣治西明改建守禦所城南尋圯

河泊所久廢

陰陽學在縣署東今廢

醫學在縣治西今廢

廣儲倉在縣署北今廢

預備倉在縣赤坎村今廢

申明旌善二亭在縣治大門外左右

觀海亭在縣西半里山上明正德間知縣殷鐸建今圯

觀河亭明嘉靖間指揮崔瀛為開河建今圯

卻金亭明邑人為知縣潘世元建今圯

興賢堂宋時為符確建今圯

寧壽寺在縣東

治平寺在南門外五里康熙三十七年知縣陶元淳建有記

景昌觀九域志唐乾封中置通志增

獅子神在城西一石峯在海中形類獅子俗呼獅子神
萬州

萬安州故城在通化都唐置址尙存今名舊州

富雲廢縣唐置在州西南方輿紀要

博遠廢縣在州城南唐貞觀中析文昌地置富雲博遠二縣屬瓊州後改屬崖州龍朔間

又改屬萬安州南漢省

按一統志富雲博遠二縣故址俱在陵水而舊志載入萬州今仍之

萬寧廢縣在城西宋置明初遷於州東

布政分司廢署在州治東金通志

按察分司廢署在州治東同上

海南道廢署在州治東即按察分司署舊址州志

州同廢署明初設即宋元同知軍也明季裁通志增輯

州判廢署在州署大門之西明初設即宋元軍判也明崇禎間裁同上

州吏目舊署在州署內州志

新安場鹽課大使廢署在州南新安都東澳村明崇禎間裁

寶停巡檢司廢署乾隆三年改隸陵水址不可考

蓮塘巡檢司廢署在蓮塘墟明嘉靖末裁

河泊所廢署在通化都崇禎初裁州志作在周村墟

廢多陳驛在州東一里舊有驛丞嘉靖間裁

鎮撫司廢署在城東隅

督備司廢署在西門內嘉靖間移於清瀾亦廢

舊儒學在州治左即今萬安書院

萬寧縣舊儒學今州學校地

察院公館在譙樓東久圯

萬南守禦千戶所舊在州治西南向領軍千名在本州守禦名爲衛署明洪武三年指揮

桑昭奏改爲所署今改萬州遊擊衙門即今州治後衙西北

副千戶所明初設洪武間裁

百戶所正統間裁

試百戶所正統間裁

所吏目廨久裁

萬全驛驛丞久裁

南山守禦所在南山仔村邊後徙陵水奉裁以上舊署俱久廢

陰陽學在州東北廂今廢

醫學在州署東久廢

僧綱司在天寧寺久廢

道紀司在三清觀久廢

廣積倉三一在城內西南隅一在新安都一在廣城都俱廢

譙樓在州治大門上今廢

祐聖堂在城北宋知軍何以鵬建

凝香堂在州治右元建久廢

愛民堂在州治內宋建元侍御史邱世傑重修

觀德堂在州廳事後輿地紀勝

靈照堂在東山石室上宋建久廢

觀音堂在東關明邑人曾永泰曾永和林應命募建

迴山堂

石林山堂

詳雲講堂

文宗堂俱在東山創建年月未詳

正覺堂在東北廂黃陳溫楊蔡各家共置

永寧堂在懷德都保定村朱蔡黃陳四姓建前後共置田十畝

去思樓為二楊公建明萬歷四十二年州牧楊論有善政士民始建此樓於東門朝陽街

崇禎九年署同知楊時熙與前楊媲美乃遷建於東關今圯州志

偕樂亭在東山大石上明知州余忠建今圯同上

黎順亭在東山下宋端平中知軍劉椿有德政民為立亭刻石紀功今碑尚存

魯望亭在城北仙河溪側元邱世傑建

水月亭在城東十里文德都嶺脚下宋建久廢州志

周公愛亭在東山同上

申明亭在州治大門東今廢

旌善亭在州治大門西後遷今廢

新建亭在州治八字牆東即旌善亭茅一柱以舊亭傍獄舍改建今圯州志

天寧寺在城西庠生平光祚捐建

覺林寺在思馬都草子坡明王家置

報恩寺在思馬都草子坡僧通能自置

潮音寺在東山嶺華封巖

元妙觀在州城東宋建舊名天慶觀元改今名明修

龍池菴在城西銅鼓嶺下萬歷中陳知州妻捐建

三教菴在龍滾渡北里許僧心圓建知州劉秉中捐俸買船給僧載貨以資香火後為射

利者奪去州牧曾光祖斷還

淨土菴在東山嶺東僧空心覺建在鷄竺菴舊址

福田菴在富仁都檳榔村蕭楊卓置

地藏菴在迎恩街生員蘇可誥置

東竺菴在東門廂陵水廖紀施田二丁蔡家重修

皈善菴在廣城都州人募置

廣善菴在宣義都州人募置

福池菴在富仁都潮音村蔡氏置

善濟菴在新安都后坡村陳氏置

逢源菴在新安都崔迪選創造

萬隆菴在新安都崔氏置

西慈菴在教場前吳氏置

雨壇菴在思馬大園村陳氏置

永盛菴在思馬都大園村離城三十里

般若菴在城內遊府署西闔州紳民建

海雲菴在城東二十里臨濤都久廢

鷄竺菴在東山嶺中宋建久廢

文魁塔在城南三里巽方今廢

山尾塔在州東南山尾嶺高七重道光十二年署知州羅嘉會邑人朱拱陽倡衆捐建并

置屋一間於嶺下有碑記採訪冊

陵水縣

陵水故城在萬州城南六十里又有南山守禦千戶所在縣西南明一統志唐初縣治陵水峒

博吉李村在今縣東北元初遷南山頭皇慶間遷龍頭村海邊後又遷港門洪武間築

城正統間燬遷於南山所即今治一統志

富雲縣在縣南八里南山頭龍頭村今舊址尙存

博遼縣在縣治東北一百里那亮鄉亮一圖今遺址尙存

布政分司廢署在縣治黃通志

海南道廢署在縣署南今爲關帝廟

陵水縣舊署在陵水峒博吉村唐建宋遷於那亮鄉元初遷南山頭皇慶間徙龍頭村復

遷港門縣志明正統間建於南山千戶所城內成化二年移城北俱圯縣志

牛嶺巡檢司廢署在慶調村金通志

河泊所署在縣治南調鄉明洪武十六年置今廢

廢烏石驛在烏石村

鎮撫司廢署即今縣儒學縣志

舊儒學宋建於那亮鄉元縣屢遷學亦隨之洪武三年遷港門正統五年徙南山所城東

今並廢縣志

陰陽學在舊縣址北久廢

醫學在舊縣址西久廢

南豐倉在縣署西今廢

預備倉在縣署南久廢今改建署西知縣李聘又於二門內增建九間

申明亭在縣門旁久廢

放生亭在西南一里許三昧寺後有獨秀石屹立如柱明縣令喻寶忠隸書獨秀石三字

刻石亭今廢

觀音堂在城隍廟右舊為鄉約

石室在縣東北亮二鄉橋山村後峽內石室長廣如廚相傳仙人藏經處上鐫名山石室四字

三昧寺在南門外獨秀石下明萬歷間山始開知縣婁應先建寺 國朝乾隆三十六年

知縣喻寶忠同闔邑紳士重修

雙榕寺在城北五里亭嶺下庠生楊時熙創建參縣志

淨宅寺在東門外邑彭氏婦置田為香火資縣志增

法雲寺在亮一圖秀峯下庠生曾述聖縣丞劉旋寧等創建

善惠寺在亮一圖文筆峰下庠生曾承憲等創建

天寶寺在亮一圖席帽峯下田墩上邑貢生孝廉方正曾允俊創建

種福寺在烏石圖尖嶺下歲貢王鳳元庠生盧英才募建

文塔在東門外距城三里

鎮虎鞭塔在南門外今廢俱同上

崖州

延德廢縣在城西一百五十里白沙舖西南黎白港隋置南漢廢宋崇寧中復置大觀初

改為軍又置附郭縣曰通遠政和初省入感恩後立延德巡檢司與甘泉驛及司遷驛

並裁舊址俱廢

樂羅廢縣在城西白里即今樂羅村德化驛隋後無此縣名恐為漢時十六縣之一見賈捐之傳

落屯廢縣元和志永徽元年置在落屯洞因以洞為名輿地紀勝即今黎中落屯村在州東北

一百五十里州志在州東五十里黃通志明萬歷丙辰知州張宿疏溝嘗得落屯縣印舊志

臨川廢縣在州東南一百三十里鹽場西南山中唐置南漢省

寧遠廢縣隋置以寧遠水名唐書地理志宋在城內州治西北明洪武四年知縣甘義請遷於

州南一里水南村郝通志十年知州劉斌復遷歸故址止統間裁後為布政分司署今廢

吉陽廢縣唐置在城東方輿紀要作州西北百里後廢為寧遠縣儒學今廢

布政分司廢署在州署西寧遠縣治舊址黃通志

海南道廢署在州治西金通志

唐寧遠縣舊署即今州署郝通志

海防撫黎同知舊署在州署西北乾隆四年自郡城移建三十一年署知府李璜詳請修
建嘉慶間署漸圯復移郡城暫寓道光十三年奉文遷駐海口所舊署改為峴州協副

將署

抱歲巡檢廢署在樂羅村金通志

通遠巡檢廢署在郎鳳村郝通志

籐橋巡檢廢署在永理鄉

臨川場廢署在州東百里臨川村

河泊所廢署在州五里

陰陽學洪武十七年建久廢

醫學洪武十七年建久廢

廢許都驛在懷義鄉西明洪武初建州志

廢太平驛在籐橋村前志

廢義寧驛在城西黃流都

廢德化驛在樂羅村

廢溯源驛後改為醫學

舊儒學宋建於州城外東南尋移城北淳祐五年移城西南泰定三年又遷城東元至正
五年移城西復移城外西南隅今俱廢

軍儲倉在州治東洪武間建宏治間圯以其地為儒學基址
預備倉二一在三亞一在樂羅俱廢

申明旌善二亭在州門外久廢

石版山亭在州東南十里石版山上宋知軍周鄴建今廢通志增

大洞天亭宋建有記

相公亭在城南南山舖東地名兢田宋丁謂貶崖州續有旨拘荒僻處郡人乃建數椽居之後名相公亭

洗兵亭在城西南二里宋胡銓與郡人陳迪功遊偶得勝地有池數畝建亭其上取杜詩淨洗甲兵之義名之蓋謂迪功能彈壓諸黎也

逸賢峒在城西南洗兵亭東有修竹茂林宋胡銓愛之因闢為竹峒暇日遊玩初有六客已而一客後至遂用六逸七賢意名之

盛德堂在水南村宋僧守裴聞義宅趙鼎南謫居此後胡銓亦居之名其堂曰盛德有銘連珠寨在城東百里鹿迴頭嶺上宋末土豪陳明甫自號三把大王建屋於此後大軍進討又作寨固守名連珠

玳瑁欄在城東南五十里州志作那鳳嶺下海邊有巨石如屋宋臨川土豪陳明甫作亂聚

瓊州府志

卷十一上

建置古蹟

二十八

瓊州海口海南書局印行

石為欄養玳瑁今石椿猶存

江亭在城西一里元王仕熙謫崖州建

永思亭明成化初學正許端惠任滿去弟子思之故建

懷遠亭在城東南三里南廂亭左右有二臺

懷柔亭在樂城

開元寺在城西百餘步胡澹菴緣化鐘樓輿地紀勝

天寧寺在州城西俗呼為銅佛寺明洪武間千戶朱旺移建於此有記

元妙觀在州西元時建明洪武間千戶洪徵重修

感恩縣

感恩故城元和志云取感恩水為名輿地紀勝故縣治中和鄉萬歷九年以其地近海多浮沙

移治縣東大雅坡後以嵐瘴移還今治一統志

廢鎮州宋置在縣東北七十里有石城遺址近楊文廣壩今為黎人雜處縣志宋大觀三年王

尙書祖道奏於黎母山中置州以龍門名縣移瓊管司於鎮州又置倚郭縣曰鎮寧四

年兵多亡捐遂廢輿地紀勝元南寧軍記宋立鎮州隸邑三曰龍門四達感恩一統志

九龍廢縣在縣東北九龍山下漢初置元帝時廢

水會所故城去城三百里明萬歷二十八年平馬矢黎按察副使林如楚題建周三百七

十五丈廣七十二丈關門三東曰東安南曰南西曰西安上各建樓今廢

唐都督府有二一在縣境後陷於黎峒縣志其一無考

布政分司廢署在縣治東金通志

海南道分司廢署在縣治東明邱濬有記見均臺會稿

延德巡檢廢署在南豐鄉郝通志

舊儒學在縣署左宋建今廢

甘泉驛在縣南三十里白沙舖正統間廢遺址猶存縣志增

大南驛在縣北正統間廢同上

申明旌善二亭在縣治儀門內今廢

陰陽學在縣治東久廢

存留倉在縣治東久廢

楊文廣壩近古鎮州石城遺址有馬跡碑題楊成軍馬到此六字

四宜亭在縣東門外碧沙洲次康熙四十二年知縣姜焯捐建縣志增

瑩墓

瓊山縣

唐

戶部尚書吳賢秀墓在城東三十里牛欄坡之原明裔孫工部郎中會期重修

禮部尚書辜璣墓在城東十五里多羅坡

馮公墓明宣德間有村農耕陶公山下掘得一塚磚甃殊異有碣云大唐賜紫金魚袋馮

公墓翰林學士李吉甫撰文餘字湮沒里人昇碣以告郡守時以為高涼守馮寶墓

按寶妻即譙國夫人洗氏綱目於陳永定三年書馮寶卒隋書譙國夫人傳載夫人

沒於隋仁壽初墓在電白縣是寶墓故應同葬於彼况寶孫智戴曾侍宴於貞觀七

年而李吉甫在憲宗元和初去智戴已一百七十餘年距寶死時尤遠安得爲之撰
文其非寶墓明甚大抵隋唐間譙國開府置官子孫世爲南越長隋又以臨振縣爲
沈氏湯沐邑贈其孫僕崖州總管爲平原郡公其時崖州即今瓊山地則此墓或寶
之子孫但失其名無可考訂耳

宋

瓊管安撫司林暹墓在城南舊州之原

朝議大夫何興墓在城西潭口村土名九疑山探訪册

進士何一鵬墓亦在九疑山

兵部侍郎贈觀文殿大學士兼樞密察院諡文義王居正墓在城南二十五里邕陽都潭

謝村有諭祭碑俱同上

明

教諭趙謙墓在城南門外六角井之右唐胄爲之墓誌久湮海瑞重修有碑記 國朝乾

隆間生員林淇葦修道光十六年致諭黃玉銜訓導吳家樹捐俸率諸生致祭歲以爲

常

文學王惠墓在蒼驛都土名多閃地

進士王克義墓在陶公山馮公墓前

御史唐舟墓在縣西南二十里蒼驛都雲亭山

太常寺卿夏昇墓在城西北五里博蒼驛有諭祭碑

大學士邱濬墓在城西五原都水頭村南有諭祭碑刑部尙書何喬新撰神道碑

解元唐濂伯墓在城南二里蒼屹山

戶部左侍郎唐胄墓在縣東南五十里陶公山下有諭祭碑鍾芳撰墓誌銘參通志

御史俞宗梁墓在蒼驛都

御史陳實墓在陶公山下侍郎邵寶撰墓誌銘參通志

戶部侍郎鍾芳墓在城西十里蒼原村賜祭葬祭酒黃佐撰神道碑銘同上

御史馮禹墓在縣東南蘇尋都土名蒙山賜祭葬

知府陳天然墓在南橋之原

知府鍾允謙墓在城北教場之原

員外郎唐穆墓在香根村

知府王儼墓在白水塘村

參政鄭廷鵠墓在蒼驛坡鄭家村前

參政黃宏宇墓在元墩嶺

按察使林震墓在射欽圖多侃村大塘之原

右都御史海瑞墓在縣西濱涯村賜祭葬

副都御史梁雲龍墓在龍坡賜祭葬

工部郎中吳會期墓在雲亭山西

戶部郎中唐翱墓在蒼驛都土名水果山

舉人王忱墓在烈樓都大學士楊廷和撰墓表探訪冊

中書舍人符銘墓在上那邕都土名博蒼地

舉人都察院經歷洗沂墓在龍塘七名鄧家地

知府張允佳墓在城北金粟菴後俱同上

澄邁縣

宋

劉上舍墓

劉縣尉墓

劉巡檢墓俱在王家都淳祐間建石工精巧碑勒官名其後裔未詳參通志

元

荀氏夫人墓在豐盈都元總管雲海之妻參政從龍母葬後靈顯鄉人爲祠祀之

明

吳濬墓在南楚都縣志增

相國邱濬母李太夫人墓在縣南三十里那洪村前有坊并諭祭碑探訪冊

定安縣

明

莫宜寶墓在東廂一都莫村東頭地永嘉侯朱亮祖有祭文見藝文
舉人融縣教諭黃公澤墓在西廂二里金鷄嶺

貢士劉志明墓在軍營坡

長史王仕衡墓在西廂一里牛背嶺

常寧知縣莫士及墓在李家都文頭嶺

吳敬墓在東廂二都多益村

龍巖知縣陳懋芳墓在博曲一里金鷄嶺

邵武學正王才美墓在李家都南九村

江西布政使司胡濂墓在黃竹都九頭村

孝廉程大慶墓在西廂一里傘坡

處士吳一瀾墓在東廂一都坡頭

訓導贈禮部尚書王允升墓在李家都龍梅村

參政瓊山林士元墓在金鷄嶺西

瓊州府志

卷十一上

建置 塋墓附

三十二

瓊州海口海南書局印行

刑部主事瓊山黃顯墓在金鷄嶺

右都御史瓊山海忠介公祖墓在西廂一里馬羅市石峽嶺

海忠介公節母謝太恭人墓在石峽嶺

禮部尚書王宏誨墓在西廂二里古爽村賜祭葬學士曾朝節誌墓修撰焦竑撰銘

恩廕奉直大夫王昌言及妻陳氏合葬墓在博曲二里黎益村翰林檢討龔章撰墓誌

文昌縣

宋

陳統雷墓葬白延村西苑統雷自福建同安遊學於此耽元修道後卒爲神嘗受勅封至

今郡邑虔祀之縣志增

元

總管雲海墓在新衙參政雲從龍之父

明

翰林院庶吉士何測墓在溪西

都察院左僉都御史邢宥墓在縣東十五里銅斗山御賜祭葬邱濬誌墓參通志

參政王懋德墓在倉前增通志

主事林密墓在石壁

主事林華墓在御墩之原

主事韓俊墓在黃竹

參政邢祚昌墓在湖尾俱同上

中書陳是集墓在地祿縣志增

孝子林孜墓在學處園

烈女林五娘墓在籐橋北之原

烈女林淑溫墓在白延墩俱同上

會同縣

明知縣萬仲璧墓在縣北一里馬園通志增

樂會縣

瓊州府志

卷十一上

建置

塋墓附

三十三

瓊州海口海南書局印行

明周泰墓在蓮花墩

臨高縣

明

同知王佐墓在縣東十里博文都瓦窰山

曾東園墓在秋陽馬鞍嶺曾唯父

鍾起墓在縣北十里賓來山

曾唯墓在縣西北毘耶嶺下

鄉賢進士劉大霖墓在城南一里知州珍之子因後嗣遠竄暴棺西郊康熙十年訓導陸

高古為葬於其祖墓側參通志

儋州

明

薛綜墓在德義山下陳村前

梁成墓在州治北天堂書舍右側百步許

唐朝允墓在州治東北松林嶺石巖之北知州蕭宏魯誌墓
昌化縣

宋

丞相趙鼎墓在縣東南舊縣治之東俗以爲交趾王墓按明唐胄瓊臺外紀序畧胡銓哭
趙忠簡詩有云一堆孤塚存瓊島千古高名屹泰山每疑之宏治壬戌予避亂適瓊士
王國昌宅夜話及此國昌因言嘗夜宿昌化趙村遇老叟詢之曰我河東解州聞喜縣
人乃宋宰相趙鼎孫也祖貶崖州身死不得歸葬子孫畱落在此指屋旁山曰此我祖
墓也考宋南渡時河東皆失忠簡之喪不得歸葬老叟之言不誣吾老矣恐後無注意
者遂至迷失其處故記之如此繫之以詩澶淵蹕轍杳難呼南渡乾坤兩手扶竄逐不
妨青史路塚迷瓊島未爲孤按宋史本傳載忠簡遺命乞歸葬明年得旨汪應宸傳忠
簡喪過郡爲文祭之有曰事已定乎蓋棺恩特殊於歸骨衢志載常山石門趙忠簡墓
翁仲石獸猶存冑之論如此存之以諗來者通志
承議郎符確墓在縣南黎都居候村

瓊州府志

卷十一上

建置 塋墓附

三十四

瓊州海口海南書局印行

萬州

元

荆王世子墓在城東北八里東山嶺下元撤敦王之子至元中以高昌王事累謫萬州安
置今塚尙存

明

郎中曾鑑墓在東山嶺儒巾石之左州志增

陳庚墓在東山嶺后溪山上

鄉賢文明墓在多蔭木綿金剛山

鄉賢文應科墓在塘尾

義士文守讓墓在黃桐溪山

義士文衡國墓在通化都烏木根村內俱同上

陵水縣

元

楊淑人墓在縣東五十里後落嶺家世未詳
明

知縣潘瀾墓瀾字廻瀾卒於官瀾叔渭水繼沒闔邑士民捐資合葬於縣城南門外三里

斑鳩屯坡勒碑墓旁縣志增

舉人陳初墓在興一圖九齡嶺東

舉人曾忠墓在興一圖九齡嶺西

廖紀祖母楊氏墓在亮一圖南隴嶺下

峩州

宋知軍裴聞義墓在州東三十里南滿府志金通作潘村志

明知州王鐸墓鐸雲南人鄉試發解任崖有惠德卒於官葬州治高山路口南田之南
感恩縣

石墳三十六座在縣東北四十里地名十所相傳昔有石墳三十六座與飛來廟同日飛
來散處於十所荒郊碑題俱書符八公姓氏蓋即飛來廟符八公之墓化而爲三十六

座以示神異今墳墓石碑俱在縣志

按採訪冊又稱至元四年有金輪廟與總管墳同飛來在十所東南半里事同而名
異當是流傳之各別

瓊州府志卷之十一下

建置志十 養濟

瓊山縣

普濟堂在城北五里亭舊有藥王殿久廢乾隆三十六年奉行查建普濟育嬰二堂巡道
 上錦知府孫琦知縣李玉樹捐俸復建堂三楹房四十間又勸紳士商民捐銀七千兩
 有奇置山收租并發商生息以為堂中經費三十七年巡道德成知府蕭應植署知縣
 閻睿蒲督同紳士籌畫除歷年修造工費外實尚存銀六千餘兩當即置買文昌定安
 二縣土名調軍嶺_{即軍門嶺}等處水旱田共五百八十二坵零用價銀三千五百兩道光三
 年因各佃欠租盜典田畝經紳士控追前道周鳴鑾委試用從九品王肇璜舖前巡檢
 司陳啓南勘丈核計實得田六百九十四畝七分三釐七毫六絲共為五百九十二坵
 開列弓步田形造冊詳報在案其餘銀二千五百七十兩原發澄邁縣飭令置買田畝
 嗣據澄邁縣將銀繳回存貯瓊山縣庫遞年止收文定二縣田租不敷支給先後動用

澄邁縣繳回田價銀一百兩尚存銀二千四百七十兩至乾隆五十三年交原捐紳士
 溫世澤等八家經理生息每年約繳息錢二百餘千彙同田租支給至道光四年署瓊
 山縣于學質以紳士經理日久恐滋弊端令八家將所領銀二千四百七十兩繳還到
 縣歸官辦理隨又買瓊山倒牛庄等處田共一百一十坵用價銀一千二百兩又支銷
 襍費銀七十兩除外實存銀一千二百兩由瓊山縣發當商生息道光十二年瓊山縣
 梁弼挪移動用旋解任去邑紳呈明巡道王鑄批令瓊山縣仍照舊按月支給口糧其
 生息本銀一千二百兩候咨追梁令措還歸款現在尚未清繳其息銀每年由瓊山縣
 捐給普濟堂前後置買田地坵段租息并發當商本息銀數備列於後

- 一文昌縣軍門嶺等處水田五百七十五畝九分八釐六毫七絲計四百零一坵旱田一
 百一十四畝七分五釐零九絲計一百九十一坵每年共額租錢三百千文探訪冊
- 一瓊山縣倒牛庄等處田一百一十坵種子十九石六斗四升每年共額租錢一百三十
 三千文
- 一由瓊山縣發當商生息本銀一千二百兩按月以一分生息每年收息銀一百四十四

兩分兩次繳完

以上每年通共收得租錢四百三十三千文又息銀一百四十四兩

一道光五年署知縣張德馨奉查普濟堂藥王廟原有定安縣征解檳榔稅一欸查此項銀兩有解無支即將此項銀兩復造普濟堂房屋十六間大門一間并修舊房屋三間等處垣牆

一孤貧原額八十名

一每月每名給口糧錢五百文

一每月支玉皇廟香燈錢三百文

一看堂夫一名每月給工食錢九百文

一水夫一名每月給工食錢四百文

一孤貧如有病故支給收埋棺木錢一千六百文遺缺即日補充年貌註冊勿致頂冒

一每年租息除發口糧工食外如有盈餘每名冬季加給棉衣一件

一補充孤貧額缺替日者已有欸項在縣另給不得兼充俱同上

漏澤園在城北大教場西明成化間知縣周宣市民地創建東西五十二丈南北五十丈

周以繚垣

義庄在北門外大慈寺前道光十五年護道張靖春率幕僚等倡捐購地創建凡客死於瓊者皆得寄厝庄內中爲地藏王殿三楹東西小屋各八間大門二門各三間庄後餘地東二十六丈北十一丈西二十四丈南十三丈五尺東廊後餘地長七丈五尺廣四丈五尺西廊後餘地長九丈五尺廣三丈如有寄棺年久無親屬領運回籍者即於餘地內營葬該地每年應納市稅糧銀二兩瓊山縣認捐代納又因庄內經費不足將商民余春泉等先年所捐孟蘭會生息銀三百五十兩及已故澄邁司巡檢魏灝遺存瓊山澄邁縣庫共銀二百二十兩零一併撥入義庄置買田產公舉海關內館專司其事咨明關部行府縣有案并立碑記條規於庄內以垂久遠案

澄邁縣

養濟院舊在城內久廢明嘉靖二十三年知縣秦志道賑濟飢民收養孤老詳准散給衣糧萬曆十五年知縣鄧全福創建養濟院於西關外尋圯二十一年主簿韓朝臣重建

參縣志

漏澤園明萬歷四十一年知縣曾拱璧置一在東門外土名欲迭係買邑民林葵地共五
坵計三畝五分一在西門外土名那教場係買邑民王天賜地共六坵計九分二釐有
碑縣志增

定安縣

養濟院在縣署後

漏澤園在厲壇西知縣傅霖置顏曰義塚今圯

文昌縣

養濟院在城北門外後廢為營地

漏澤園在厲壇右知縣馬日炳捐置土名南坑長四丈五尺廣三丈參縣志
會同縣

養濟院在縣治東久廢乾隆三十四年知縣歐陽嶙詳報捐建於縣西南瓦竈嶺收養孤
貧貢生林源督造縣志增

瓊州府志

卷十二下

建置 養濟

三

瓊州海口海南書局印行

漏澤園在縣南一里

義塚在縣東三十里雍正十一年監生王元臣捐建俱同上

臨高縣

養濟院在城隍廟西廢

育嬰堂在義學前康熙四十六年知縣樊庶建

無遮塚在縣東三里明宏治六年知縣張文煜建通志增

骷髏佳城在縣西一里明嘉靖十八年西山黃若錦置同上

義塚在縣北二里土名墩黎康熙十二年訓導陸高古捐資買地置為義塚地長十二丈

廣倍之縣志增

儋州

養濟院舊在布政分司後屋三間知州羅傑建後圯明嘉靖間改建於演武亭後久廢

參州志

漏澤園在州治北郊外厲壇左明嘉靖八年大水多被溺者知州蕭宏魯收葬於此因為

義園同上

仁園義塚在州南班家田山道光十一年生員曾溶等倡捐建修探訪冊
叢塚在州南四十里保志營明宏治辛酉符南蛇作亂指揮何清統軍至此孤營無備為
賊所劫參議劉善遇害官軍死者甚衆賊解始覓得劉骸正德十年知州陳袞收而窆
之名曰從征官軍叢塚

萬州

養濟院在天后廟側久圯乾隆二十八年知州廖佑齡重建參州志

陵水縣

養濟院在北門城外乾隆間知縣瞿雲魁重建縣志有記縣志增

峴州

養濟院

育嬰堂

漏澤園